

KAKO SPRIJEČITI POŽAR



Finansira
Evropska unija



IPA PROGRAM PREKOGRAIČNE SARADNJE
BOSNA I HERCEGOVINA · CRNA GORA



ZAJEDNIČKI
ODGOVOR



FORS
MONTENEGRO
Partnerski zaštitni organ
Crna Gora



PREVENTIVNE MJERE:

- iz svih pratećih prostorija (podrumi, garaže...) ukloniti sve uskladištene zapaljive tvari (boje, kartonsku ambalažu i papir, dijelove starog namještaja, garderobu itd.),
- pokušati osigurati **STALNU** prohodnost protupožarnih putova
- naučiti pravilno aktivirati i koristiti protupožarni aparat i podučiti svoje ukućane,
- naučiti djecu da u slučaju požara pozovu vatrogasce na broj 123 ili operativni centar civilne zaštite na broj 121,
- provjeriti stanje opreme za zaštitu od požara u svojoj kući ili zgradi i potruditi se da se osigura:
 - da je u svakom trenutku vidljiv kućni broj,
 - da su dimovodi ispravni i da se redovno održavaju,
 - da su električne instalacije postavljene u skladu sa važećim propisima
 - da svaka stambena jedinica (kuća ili zgrada) raspolaže bar jednim uredno servisiranim aparatom za gašenje
 - u svako doba nesmetan pristup vatrogasnim vozilima

NIKADA NE KORISTITE VODU KAKO BI SE UGASIO POŽAR NA ELEKTRO-INSTALACIJAMA, I POŽAR IZAZVAN GORENJEM ZAPALJIVIH TEČNOSTI, MASTI, ULJA !!!

(Oni se gase aparatima za gašenje požara sa prahom ili ugljičnim dioksidom)



UPUTSTVA ZA PONAŠANJE U SLUČAJU POŽARA

Ukoliko primijetite požar ili osjetite miris dima u vašem stanu ili zgradi, mirno i bez panike napustite mjesto požara. Ako ste u mogućnosti pokušajte ukloniti opasnost, odnosno ugastiti požar ako to možete učiniti bez opasnosti za sebe ili druge, ako ne možete sami ugastiti požar, izađite na prozor ili u hodnik i pokušajte alarmirati ostale ukućane i susjede bez širenja panike.

Pokušajte stupiti u kontakt sa ostalim ukućanima i žurno nazovite 123-vatrogasce ili 121-operativni centar civilne zaštite i pri telefoniranju dajte slijedeće podatke:

- a) predstavite se,
- b) navedite mjesto požara (adresu gdje je pomoć vatrogasaca potrebna),
- c) što gori (nastojite ukratko opisati specifičnu prirodu nesreće, što se dogodilo, što gori, koji je kat objekta, da li se čula eksplozija...),
- d) posebne okolnosti (ima li stradalih ili ugroženih),
- e) dojava mora biti kratka i jasna.



POGLEDAJTE DIO TEKSTA KAKO DOJAVITI POŽAR

- Ukoliko je požar zahvatio samo jednu od prostorija vašeg stana, zatvorite vrata te prostorije i isključite električnu energiju. Pozovite vatrogasce i evakuirajte ukućane, a ako je požar manjeg obima, pokušajte gašenje. Koristite (aparati za početno gašenje požara S ili CO₂, vodu ako ne gore elektro instalacije ili zapaljive tečnosti, vuneni ili pamučni prekrivač uvijek vodeći računa o osobnoj sigurnosti) lopatu, pijesak, mokru metlu.
- Ukoliko se radi o požaru većeg obima, napustite stan zatvarajući sva vrata za sobom i pokušajte obustaviti (isključiti) napajanje el. energijom. U suprotnom će se, zbog dotoka svježeg zraka, požar brzo proširiti na cijeli stan.
- Prilikom evakuacije važno je da se svi ukućani okupe u istoj prostoriji, jer postoji mogućnost da se djeca iz straha sakriju. Tek kada su svi na broju, krenite ka izlazu.
- Ako imate vremena, obucite cipele sa debljim đonom, obucite kaput i vežite krpe i ručnike natopljene vodom preko nosa i usta.

Nikada ne koristite lift zato što se u toku požara oslobađa gust dim koji sadrži otrovne plinove tako da okna i kabine liftova akumuliraju iste, što prouzrokuje opasnost od gušenja i držite se što niže (što bliže podu) jer je temperatura u gornjim dijelovima prostorija znatno viša (veća koncentracija dima koji sadrži otrovne plinove).

- Ukoliko niste neposredno ugroženi požarom, najbolje je da ostanete iza zatvorenih vrata svog stana. U slučaju da dim počne da prodire oko vrata, natopite ručnike i krpe vodom, stavite ih oko štokova i ispred vrata kako bi spriječili prodor dima u stan. Ako je vanjski zrak čist, izađite na terasu zatvarajući balkonska vrata za sobom i sačekajte da vatrogasci završe gašenje požara, jer ste u svom stanu najsigurniji.



UPUTSTVA ZA PONAŠANJE U SLUČAJU POŽARA

Ukoliko uočite da gori trava, nisko raslinje ili šuma:

- udaljite se bez panike na određeno odstojanje;
- ukoliko ste na izletu ili šetnji sa ostalim provjerite prisutnost ostalih članova porodice, pogotovo djece i ŠTO JE PRIJE MOGUĆE POZOVITE 123-vatrogasci i 121-opretni centar civilne zaštite;
- pokušajte u razgovoru sa predstavnikom vatrogasnih službi (civilne zaštite) biti što određeniji i razgovjetniji dok dajete podatke o lokaciji požara (koordinate o požaru) i njegovim posljedicama.
- ako ste u zoni utjecaja požara koji je u početnoj fazi, aktivno se uključite u njegovo gašenje priručnim sredstvima, za što može poslužiti zemlja, pijesak, prekrivač (vuneni ili pamučni), lopata, mokra metla i grana sa zelenim lišćem;

- početni požari manjeg intenziteta u kojem gori raslinje ili niska trava, možete pogasiti udarcima po vatri, pokrivačem (po mogućnosti mokrim), granjem, lopatom ili slično;
- uklonite sav gorivi materijal oko kuće (granje, korov);
- zatvorite dotok plina u kući i pripremite što više posuda sa vodom na dohvat ruke;
- zatvorite sve prozore i ostale otvore na kući kako bi se spriječio ulazak dima u unutrašnjost objekta.

Kako bi se izbjegli šumski i požari otvorenih prostora:

- ne bacajte opuške i neugašene cigarete ukoliko se nalazite na prostorima obraslim šumom, te travom i niskim rastinjem;
- ne spaljujte travu, nisko rastinje niti smeće na otvorenom prostoru, obradivim površinama i u blizini šuma;
- ne palite roštilj na otvorenom prostoru gdje postoji opasnost nastanka požara;
- vodite računa o upotrebi otvorenog plamena i zabrani pušenja u toku žetvenih radova;
- izbjegavajte sve moguće situacije koje bi se neizraženom namjerom

ZAPAMTITE:

U slučaju požara u zatvorenom prostoru ostanite što bliže podu jer je temperatura viša u gornjim dijelovima prostorije, gdje je veća i koncentracija gustog dima koji sadrži otrovne plinove, među kojima je i smrtonosni ugljični monoksid (CO).

Požari su BRZI! Za manje od 30 sekundi mali plamen može se pretvoriti u veliku vatru. Za samo dva minuta požar može postati smrtonosan. Za pet minuta čitavo prebivalište može biti zahvaćeno plamenom.

Požari su SMRTONOSNI! Dim i toksični plinovi ubijaju više ljudi nego plamen. Vatra proizvodi otrovne plinove koji dezorijentiraju i izazivaju vrtoglavicu. Gušenje je vodeći uzrok smrtnosti od požara, čak tri puta češći od opekline.

Ovaj vodič je urađen uz finansijsku podršku Evropske unije.

Sadržaj vodiča je isključiva odgovornost Uprave za civilnu zaštitu i vatrogastvo HNŽ/K i

Udruženja za poduzetništvo i posao LiNK Mostar i ne odražava nužno stavove Evropske unije.